



Selasa, 02 November 2021

Ogen: Esekiel 18:1-9



"Geluh Kalak Benar"



Ise pang ngatakenca ia me jelma sibenarna nta pe sibujurna bas babo doni enda? Sada pe la lit si pang ngakukenca. Bagepe lit belas-belas kalak karo singatakenca "*sada pe la lit si bujur sada pe lang*". Bahkan sekalak pandita nta pe serayan la pernah ngakuken ia me kalak si bujur. Kitab Ezekiel 18:1-9 enda mereken sada perenungen si banci ibaba ku bas kegeluhennta segelah sipakeken me kataNa jadi dalam man banta mabai kita nggeluh alu benar i lebe-lebe Dibata. Dibatanta Dibata si benar, kita selaku anak-anakNa harus ndalanken biak-biak kebenaren e sabap kita me tempas Dibata e. Geluh kalak benar tentuna erpalasken Kata Dibata, ras erpalasken kesadaran arah kinitekenta nari. Ayat 6-8 bas teks ta wari enda melala ngajari kita geluh alu benar. Siap nge kita? Harus siap. Sabap kita me anak-anak Dibata si arus ndalanken perintah arah Bapata nari. Bali bagi si ikataken i bas ayat 9 ndai "*Kalak si bage patuh kap man perintahKu, janah alu metenget ipakena undang-undangKu. Ia kalak benar, e maka nggeluh me ia. Bage nina Tuhan si erdolat.*" Tuhan me sinepa kita emaka iberekenNa banta kegeluhen, segelah geluhta e baci sidalanken bagi si ngena ateNa. KEE No.350 ayat 1 nina:

Kelengi Kebenaren, pedaulah si jahat. Pakeken Kata Tuhan tahan rasa lalap. Nggeluhlah alu bujur, meteruk ukur kin Dalanken kebenaren maka ukur tenang...

Senjatata ibas ndalanken kebenaren nta pe nggeluh alu benar arus sipakeken kerna Kata Dibata. Kata e enca si ngasup maba kemalemn ate ras kiniulin man banta kerina. Kata e lalap mpersingeti kita i bas kita ndalanken kebenaren bas kegeluhenta.